

whedels

THEOREMATA
DE
SYSTEMATE UNIVERSI,
QUÆ ILLUSTR., AC REVERENDISS. D. D.
PAULO FRANCISCO
JUSTINIANO
EPISCOPO TARVISINO
DUCI, MARCHIONI, ET COMITI
SS. D. N. PP.

PRÆLATO DOMESTICO, ET PONTIFICIO SOLIO EPISCOPO ASSISTENTI &c.
D. D. D.

MARCUS PRIMUS BALBI VALERIUS
PATRITIUS VENETUS,
SEMINARII TARVISINI CONVICTOR NOBILIS,
AUDITOR

JACOBI PELLIZZARI
PHILOSOPHIÆ, AC MATHESIOS LECTORIS.



TARVISI MDCCLXVI.
.....
EX TYPOGRAPHIA SEMINARII
SUPERIORIBUS ANNUENTIBUS.

XIII.

ILL.^{ME}, AC REV.^{ME} PRÆSUL.

NUncupo Tibi, Prasul Amplissime, Commentariolum hoc metaphysicum, in quo nonnulla traduntur de Systemate Universi. PAULI-FRANCISCI JUSTINIANI Nomen plane gravissimum usurpasse satis superque est, ut palam unicuique fiat, quantum Auspicem, quam vigilantem Episcopum, quam acrem rerum nostrarum Judicem nacti simus: quo fit, ut a laudibus tuis temperare possim ac debeam; præsertim cum sine impudentiæ nota sperare nequeam, eo perventuram esse vocem meam, quo meritorum tuorum celebritas permanavit. Nonnulla igitur de studiorum meorum ratione præfabor, ut sin minus hanc meam in philosophicis studiis quantulamcunque progressionem, discendi ardorem saltem probes, & castigatam philosophandi libertatem. Operis tam admirabilis naturam intimam ac molitionem rimandam non esse judicavimus: tam acutum enim cernere nemini datum est. Qua de causa proprietates eas tantummodo persecuti sumus, quæ cum intelligi ac demonstrari possunt, tum compendiarium viam monstrant ad philosophorum non pauca decreta refutanda, quæ aut Religioni, aut moribus, aut saltem veritati repugnant. Primis enim theorematibus ea de mundi origine ac stru-

Aura complectimur, quibus Atbeorum, Pantbeistarum, Deistarumque flagitia reserere nullo negotio possunt. Hinc ad questionem de Mundo perfectissimo gradum facimus, ejusque naturam evoluimus nonnullis propositionibus, quarum veritas, ut mihi quidem videtur, cum in dubium revocari nequeat, Leibnitzianae familiae scita ab ratione sufficiente deducta corruant, necesse est. Denique legum earum, quas primarias Physici vocant, necessitatem ex ipsa Dei Sapientissimi idea, mundique perfectione deducimus: de qua philosophandi ratione fortasse Leibnitzianis ipsis, at procul dubio Cartesianis displicebit, qui singulas leges arbitrio Supremi Numinis constitutas esse contendunt: perinde ac si Dei voluntati consentaneum esse possit, ut ad ejus nuntum factum infectum fiat, ac pugnantia adversis frontibus amice conspirent. Harum legum nonnullas in scholio Theorem. 18. commemoravimus, sed unam virium vivarum aestimationem fusius pertractandam suscepimus, non solum quia saeculo nostro hac disquisitio percelebrata est; sed potissimum quia ad urbem Tarvisinam, in qua sum disputaturus, tam peculiari ratione pertinet, ut hac Civitate pene donatam existinem. Joannes Maria Ciassus questionis hujus auctor ac parens habendus est, qui anno 1677. in Opusculo, quo Aequilibrum leges inquit, veram virium vivarum mensuram in medium protulit, atque iisdem fere argumentis evicit, quibus usus est Leibnitzius in Opusculo inscripto: Brevis demonstratio &c. quod anno 1686. in Actis Eruditorum Lipsiensibus publici juris fecit. Hac de re consulenda omnino est Epistola, quam Mem. Lit. Valvasensis

X V J X

senfis. (a) inseruit: Joannes Baptista Nicolai, vir exquisita doctrina, morum suavitate, officiorumque religione probatissimus, cui Magister meus, quantum homini homo debere potest, tantum se debere profitetur. Ciasso praeerat Paulus Aproinus, Tarvisinae urbis non exiguum decus, ac discipulus Galilaeo praeceptore dignissimus, qui usque ab anno 1613. acusticum instrumentum construxerat: sed ut verum fatear propter summam rei difficultatem nihil definire potuit experimentis plurimis vir ingeniosissimus. Quod mirum videri hercle non debet: nam Galileus ipse Philosophus ex vero Lynceus multis horarum millibus hac de re frustra meditatum se esse affirmabat. Sub Seculi elapsi finem & vertentis initium summorum Geometrarum concertationibus quaestio de virium vivarum aestimatione jam percrebuerat: hinc excitatus Celeberrimus vir Comes Jacobus Riccatus a chordis elasticis validissimum argumentum desumpsit pro virium aestimatione; quam Leibnitzianam appellare consuevimus. Tantae controversiae penitus dirimenda, quae protulit, apta non esse acute animadvertit, & candide confessus est Vincentius Riccatus ejus filius, e Societate Jesu sacerdos, in rebus Analyticis Physicisque nemini secundus, qui ad hanc litem componendam opus immortale de viribus vivis conscripsit. Philosophi praestari conatus successu minime carent, si de rebus difficilissimis quicquam judicare possum. Quae cum ita se habeant, quid rationi consentaneum magis excogitari potest, quam ut

A 2

ab il-

(a) Anno 1754. mens. Novemb. T. IV. P. V. pag. 38.

(VI.)

ab illius urbis cive controversia sedaretur, in qua nata erat, atque educata? Cogitationes meas hisce limitibus circumscripsi; non enim longius divagari fas est. Ceterum vel ex his, quæ per summa capita delibavi, nonnulla sua veluti sponte conclusiones manant, quæ has meditationes non inutiles ostendunt adolescentibus iis, qui ad res civiles ac negotia urbana administranda sese parant. Fundamenta enim religionis patefaciunt. Revera Divini cultus, atque revelationis necessitas ex iis, quæ Tb. 9. de D. O. M. natura perstrinximus, pronâ consecutione deducitur. Qui vero Theorem. XVII., & XVIII. callet, is Hobesio assentiatur, cui leges omnes ita suapte natura sequaces videntur, ut libidini hominum obtemperent? Quid? Tolerantissimumne patietur, qui Theor. præsertim XVIII. legum præcipuarum originem contemplatus est? Mitto cetera, non pauca sane, neque contemnenda: satis enim, quæ adhuc a nobis tacta sunt, philosophandi necessitatem evincunt. Incidimus enim in ætatem malam, vereque lacrymabilem, qua non pauci Philosophiæ corruptores Religionem ac mores evertere conantur: atque utinam teterrima hæc pestis transalpinis, transmarinisque regionibus contineretur, nec extremos Italiæ fines unquam transiliret! Quapropter castos atque integros Philosophiæ fontes pro virili consecramur, ut malo tam gravi in antecessum occurramus. Excipe igitur benigno vultu munusculum hoc meum, Præsul Illustriss., ac Reverendiss.; meque proficiendi percupidum ea, qua polles, humanitate sustenta: ego enim quicquid negotiis gerundis, ac Patriæ valebo, si quid valebo, me curæ ac benevolentiæ Tuae debere semper præ me feram.

DE

X VII. X

DE MUNDI SYSTEMATE.

Th. I.

Singula Univerſi elementa ita exiſtunt, ut eorum exiſtentia nulla neceſſitate conneſtatur: ſive quod idem eſt, ſingula elementa ita exiſtunt, ut in ceteris nihilum abeuntibus, ipſa nihilominus ſupereſſe ſine ulla mutatione poſſint, & viceverſa.

PROPOSITIONIS allatæ veritas vel ex eo demonſtratur, quod ſingulorum eſſentiæ, proprietates, affectiones omnes ideis abſolutis contineantur; quæ proinde nullam relationem involvunt. Propterea conceptus unius conceptum alterius non complectitur: ex quo fit, ut in unoquoque nihil reperiatur, per quod ceterorum intelligatur exiſtentia. Quapropter cujuſlibet elementi exiſtentia ſola & abſolute concipi poteſt. Ergo rerum mundanarum ſemina ita exiſtunt, ut eorum exiſtentia nulla neceſſitate vinciat.

Th. II.

Systema noſtrum eſt aggregatum elementorum contingentium.

DUO Systematis elementa A., & B. neceſſario exiſtant, ſi fieri poteſt. Elementi A exiſtentia concipi

X VIII. X

cipi potest seorsum ab existentia alterius B. (*Tb. I.*)
Ergo non repugnat hypothetis, qua B minime ex-
stans concipiatur. Igitur B necessario existet, & vi-
ceversa, quod est absurdum.

S C H O L I U M.

P Rincipium, quo præsens theorema demonstravi-
mus, mutuam accepimus a Samuele Clarkio,
qui sic Deum unum esse demonstrat (*a*). Manife-
stam contradictionem involvit hypothetis, qua duæ
aut plures naturæ diversæ per se existentes ponuntur
necessario & independenter. Cum enim quælibet ex
his naturis ab alia minime pendeat, jure optimo fin-
gi potest, quamcunque harum naturarum existere so-
lam ex omnibus, neque absurdum erit concipere al-
teram minime existentem: ex quo efficitur, ut ne-
utra existat necessario.

Th. III.

Systema nostrum nulla existit necessitate.

S Ystema nostrum est totum aliquod ex elementorum omnium summa coalescens; quæ singula contingentia sunt (*Tb. II.*). Ergo etiam totum, siue integrum systema contingens est, h. e. nulla
necef-

(*a*) Samuel Clarkius *Traité de l'existence de Dieu*. Liv. 1. Chap. 2.

XIX

necessitate existit. Cum enim totum idem esse debeat cum suis partibus, simul sumtis, fieri nequit, ut proprietas aliqua, aut realis affectio in toto reperiatur, quæ partibus veluti secta ac divulsa non insit. Hujus principii naturam ac vim mirifice ostendit Clarkius in memorato libro, quo etiam usus est ad animi incorporalitatem invictissime demonstrandam.

S C H O L I U M.

HInc Epicuri Systema de Mundi origine, & Spinozæ commentum de unica substantia facile refutari potest. Cum enim Epicuro duo essent rerum primordia, atomi & inane, & illæ ab æterno extitisse sua sponte concipiantur, eorum existentia necessitatem aliquam, atque connexionem præferret contra duo prima theoremata. Idipsum Spinozæ obijci potest, qui unam modo substantiam ponebat duplici proprietate, utraque infinita præditam: immensa scilicet extensione, atque cogitatione. Primæ modificationes esse corpora, alterius vero humanos animos tradebat. Quamquam hoc Spinozisticum systema petitione principii laborare nullo negotio demonstratur: quod acutissime præstitit Pater Antoninus Valtecchi. Lib. I. Cap. III.

Th.

X X.

Th. IV.

Universum est series rerum temperata.

Materiae notio notione absoluta quantitatis comprehenditur; cujus praecipua proprietas est, ut augeri possit, & imminui: hujus vero augmenti atque decrementi eam naturam esse demonstrat Com. Jacobus Riccatus (a), ut quantitas neque ad absolutam infinitatem evehi, neque ad individuum exilitatem deprimi possit. Cum igitur universi exordia sint entia penitus determinata; determinata etiam magnitudine gaudeant, oportet. Igitur eorum divisio, numerus, magnitudo finitis limitibus coerceri debuerunt. Ergo systema his principiis coagmentatum certis finibus, veluti cancellis quibusdam, continetur, videlicet temperatum est.

Th. V.

Constat Universum determinata materiae ac virium quantitate, quae jugiter eadem perseverat.

Secunda propositionis pars axiomati illi innititur, quo docemur: "Ex nihilo nihil, in nihilum nil posse reverti"; prima vero est Corollarium praecedentis.

SCHO-

(a) De Mundi Syst. Lib. I. Cap. I.

X (XI.) X

S C H O L I U M.

DE materiæ conservatione Philosophi mire consentiunt: una virium conservatio a plerisque in dubium vocatur, qui virium vivarum mensuram a motus quantitate derivant. Sed cum hujus Theorematis usum fecerit Jacobus Hermannus (*a*) in dynamicis legibus demonstrandis; & cum ex eodem Joannes, ac filius ejus Daniel Bernoullii (*b*) viri summi nonnullorum problematum solutiones eruerint, quæ cum aliis solutionibus methodo directâ detectis omnino congruunt, allatum principium repudiare summæ stupiditatis esset. Ut autem ratio constet, non solum vires vivæ actuales, sed illæ quoque supputandæ sunt, quæ a potentiis impeditis progigni possunt. Nam fieri potest, ut virium vivarum quantitas modo major sit modo minor, & contra modo minor modo major quantitas actionum, quas in potentia vocare possumus, hæ magnitudines tamen crescent ac minuentur in ratione inversa arithmetica, ut earum summa constans perseveret. Quapropter miror, cur auctor notarum in Muschembroekium, cum duo Cartesii principia, alterum de mensura virium, de earundem conservatione alterum retulisset, primo adhæserit, ut rejiceret secundum: ex quo factum est, ut re non satis perpensa, verum ne-

(*a*) Comm. Acad. Petrop. T. I.

(*b*) Comm. Acad. Petrop. T. III.

(XII.)

neglexerit , falsum probabit . Statuamus itaque conservari vires , quod principium hic denuo seorsum expono .

Th. VI. :

Summa virium , quæ coalescit ex aggregato virarum actualium , & earum , quæ sunt in potentia , perpetuo conservatur .

DEmonstratio eruitur ex iis , quæ diximus in Icholio Theorem. præcedentis .

Th. VII.

Posita Systematis nostri existentia , aliquid ab æterno extitisse certum est ac necessarium .

FInge tibi non extitisse aliquid ab æterno ; alterum de duobus efficietur , ut aut mundus ex nihilo prognatus sit , aut seipsum produxerit . Cum ex nihilo nihil efficiatur , ut patet , prima hypothesis contradictionem involvit . Si mundum a se ipso productum contendas , erit mundus suipsius causa , h. e. erit effectus & causa eodem tempore . Ipso igitur productionis initio existet , ut causa sit , ac non existet , ut effectus esse possit , quod est contradictorium . Patet igitur quod proposuimus .

Th.

X XIII. X

Th. VIII.

Hæc Uniuersum a nullo ente per emanationem essentialent produci potuit, neque existere potuit sine creatione.

SI enim hæc emanatio possibilis jactetur; singulæ ejus partes & necessario existent, & erunt necessario copulatæ contra duo prima Theoremata. Ergo mundi existentia solummodo per immediatam creationem intelligi potest.

S C H O L I U M.

HInc rursus Spinozismi fundamenta corruunt; & præcipue doctrina Sinentium de mundi origine confutatur. Hi enim exemplo aranei fila aranearum suarum e propriis visceribus elicientis utuntur, ut rationem explicant, qua mundus productus fuit.

Th. IX.

Mundi existentia, pulchritudo, structura, duratio substantiam omnipotentem, liberrimam, sapientissimam, æternam, perfectissimam existere evincit, quem Deum appellamus, cujusque opus ac templum est immensa hæc domus, quam incolimus.

Uniuersum existit per immediatam creationem (Th. VIII.). Ergo infinite potens statui debet.

X XIV. X

bet illa substantia, quæ existere fecit, quæ non existebant, infinite libera, ut ex infinita rerum multitudine has eligeret, illas respiceret, ut magnitudinum limites ac numerum constitueret, ut rerum temperamenta suis finibus aptaret: quod præstari nequit, nisi infinita indifferentia superetur; infinite sapiens, ut rerum omnium naturas perspiceret, & infinitas infinitisque modis variabiles in tam longo temporis spatio rerum disposituras intelligeret. At nulla substantia gaudere potest infinita aliqua & absoluta proprietate, nisi & ipsa infinita sit, & infinitæ pariter ceteræ omnes illius proprietates cum numero, tum præstantia & perfectione. Deus igitur est ens perfectissimum. Q. E. D.

S C H O L I U M.

UNa propositione plura attributa D. O. M. complexi sumus, ut brevitati serviremus. Hac de re legendi omnino sunt VVolfius (*a*), VVollastonus (*b*), & Clarkius (*c*). Allati Auctores materiam hanc solide pertractant: ita ut hac de re licet infinita nihil desiderari posse videatur: cum ea sit humanæ mentis imbecillitas, ut a rebus paullo abstrusioribus opprimatur. Hac de re lectorem monendum, & hos auctores nominandos esse censuimus, ut imposterum

(*a*) Theol. Nat. p. I

(*b*) Ebauche de la Relig.

(*c*) Traité de l'exist. de Dieu.

(XV.)

sterum eorum Theorematis, si quando opus erunt, veluti Axiomatis quibusdam ac Lemmatis jure quodam nostro uti possimus.

Th. X.

Repugnans res creata absolute perfectissima.

Rerum creatarum perfectio inter quantitates referenda est, cum modo major, modo minor esse possit. Ergo ita augeri atque decrescere potest, ut in ea nihil summum, nihil imum assignari possit. Res igitur creatæ nequeunt esse perfectissimæ. Q. E. D.

S C H O L I U M.

Theorematis decimi veritas evincitur etiam hoc pacto. Summa perfectio congruit cum idea Dei; ita ut & Deus sit perfectissimus, & quidquid perfectissimum est, Deus sit. Ergo Deus producere deberet alterum Deum, h. e. seipsum. Deus enim unus est, cujus veritatis demonstrationem habes in Scholio Theorem. II. Idipsum colligitur etiam ex doctrina maximorum & minimorum: si enim speciebus Eulerianis utamur, maximi ac minimi formula erit $\int x dx$, qua perfectio summa continetur per ea, quæ Cel. Eulerus tradit in Addimento de curvis elasticis: porro formula $\int x dx$ debet esse integralis indefinita, ut demonstrat idem

B

Eule-

X XVI. X

Eulerus (a). Porro perfectio rerum creatarum manat ex earundem essentialibus ac proprietatibus, atque est in ratione composita ex numero, ordine, præstantia ipsorum essentialium & proprietatum, ut Metaphysici tradunt: ac proinde huiusmodi perfectio formula determinata designatur. Naturæ igitur rerum creatarum repugnat notio summæ perfectionis absolutæ.

Th. XI.

Dato fine, summa rerum perfectio definiri potest.

SI enim hanc sumas hypothesim, perfectionis elementa omnia evadent absolute indefinita; videlicet numerus perfectionum, & proprietatum, item ordo atque præstantia; quæ singula respectu finis assumpti diversimode determinabuntur. Sic ex. gr. artificio prorsus diverso dædala natura oculos, nares, pedes, manus fabricata est. Hæc tamen singula ad finem relata tum materia, tum figura, tum magnitudine perfectissima deprehenduntur. Hinc facile perspicias ens quodlibet Universi maximi, vel minimi proprietate gaudere posse: formula enim huiusmodi perfectionem exprimens evadit differentialis indefinita. Si rerum fines detegerentur, singula mundi phænomena hanc doctrinam confirmarent.

Euler

(a) Eul. de Meth. Max. & Min. Prop. I

X XVII. X

Eulerus vir plane summus curvis elasticis, ac motu projectorum usus est, ut hanc veritatem illustraret. Quamquam tanti viri conatibus oppido præclaris exitus non omnino respondit: liberis enim causis annumeravit necessarias, ut acutissime animadvertit Comes Jacobus Riccatus (a).

Th. XII.

Systematis cujuscumque finis esse debet Dei gloria, suarumque perfectionum communicatio atque manifestatio.

Propositio hæc ex ipsa Dei notione deducitur. Cum enim sapientissimus sit, quicquid agat, finem seipso dignum debet eligere: h. e. actionum Divinarum finis esse debet Deus ipse. Porro cum perfectissimus sit, ac rei nullius indigus, nullus præter allatum finem excogitari potest, ad quem Dei opera dirigantur,

Th.

(a) De Mundi Systemate Lib. II. Cap. VI.

X XVIII. X

Th. XIII.

Finis generalissimus Theorem. præced. demonstratur infinitis modis determinari potest; ita ut infinitæ rerum series inter se omnino diversa huic fini assequendo æque possint esse accommodatæ.

DEI substantia infinita est, & ejus attributa pariter infinita sunt & summe perfecta (Th. IX.): ergo nullum systema creati potest; quod adæquatè hæc perfectiones manifestet. Ergo & numerus attributorum, qui in rerum serie elucere debet, definiendus est, & constituendus etiam gradus, quo hæc attributa manifestanda sunt. Hocposito infinita habetur attributorum & graduum combinatio, cui proinde infinita systemata prorsus inter se diversa respondent.

Th. XIV.

Vagus ille finis ac indefinitus Theor. XII. commemoratus nullius systematis rationem sufficientem continere potest.

IN quolibet Systemate elementa, substantiæ, modi, causæ, effectus, relationes, omnia sunt singularia, h. e. entia penitus determinata. Rursus singula fini cuidam peculiari respondent, e quorum finium singularium summa, atque connexio

ne

(XIX.)

ne (ut annulis catena constat) existit finis ille summus, in quo systematis ratio sufficiens continetur. Hic igitur finis determinatus sit, oportet, cum totum quodlibet convenire debeat cum suis partibus simul sumtis. Ergo finis indefinitus Theorematis XII. rationem sufficientem nullius systematis continere poterit. Q. E. D.

Th. XV.

Possibilia sunt infinita systemata omnino diversa inter se, quæ tamen singula sint relative perfectissima.

Finis generalissimus Theorem. XII. demonstratus infinitas recipit determinationes, quarum singulis systemata propria respondent ab aliis omnino diversa per Theor. XIII. Inter infinita systemata singulis finibus aptata perfectissimum reperitur, in quo maximorum minimorumque proprietates elucet (Theor. XI.). Ergo Systemata perfectissima numero infinita sunt. Q. E. D.

(XX.)

Th. XVI.

Opinio Leibnitzi de mundo perfectissimo falsa omnino est: & Leibnitiana pyramis, cujus verticem perfectissimus mundus occupat, commentum est nulla probabilitate suffultum.

Leibnitzius philosophus plane summus, cum principium rationis sufficientis omnium primus illustrasset ac propagasset, ejus amore ita captus est, ut in difficillimis quæstionibus enodandis rationem sufficientem adhibuerit plerumque sine ratione sufficiente. Indiscernibilia, quibus scientiæ omnes inniuntur, rejecit, ut ratio asserri posset, cur substantia intelligens ac libera rem hanc potius, quam illam eligeret; perinde ac si ratio hæc extrinseca semper esse deberet: cum libertas sit interna ratio sufficientissima, qua indifferentia, seu indiscernibilitas superatur. Indiscernibilibus rejectis opinio de mundo perfectissimo sponte sese obtulit Leibnitio, ne plures mundi æque perfecti negotium Sapientiæ Divinæ facerent. Hæc sententia confutatur ope Theor. XV. Verum esto, systema nostrum sit omnium possibilium perfectissimum. Ergo aquæ, ignis, aeris &c. elementa singula erunt perfectissima: Ergo elementa ejusdem ordinis erunt indiscernibilia, cum ad eundem finem referantur; Si enim urgeas esse discernibilia, unum erit altero perfectius, & hoc in illius locum suffici posset contra notionem mundi perfectissimi.

Th.

X XXI. X

Th. XVII.

Leges Universi primariæ ex intima substantiarum natura derivantur.

DUM plura entia simul conferuntur, statim sese offerunt nonnullæ relationes, quæ ex eorumdem natura sponte manant: quapropter nulla simplicior, neque aptior series efformari ex ipsis poterit, quam quæ rationem sufficientem habet in hujusmodi relationibus. Si enim ratio seriei petenda foret aliunde, novi aliquid inducendum esset, quo & rerum natura, & ipsa series complicata efficeretur, atque impedita. Quod & Dei notioni, & summæ systematis simplicitati repugnat. A rerum natura igitur desumendæ sunt relationes, proindeque leges ipsæ, quæ aut ipsissimæ relationes sunt, aut ipsarum consequentia.

Th. XVIII.

Primariæ systematis nostri leges sunt necessariae.

CUM rerum essentialia necessaria sint, & immutabilia; quidquid inde promanat erit æque necessarium: h. e. mutari non poterit, quin aut pereat res, aut in aliam prorsus diversam mutetur. Cum igitur ab essentialibus pendeant leges primariæ (Th. XVII.), necessariae sunt oportet.

X XXII. X

S C H O L I U M.

Singulas Universi leges arbitrarias esse, ac solummodo contingenter veras Philosophi hactenus existimarunt. De Cartelianis, ac præcipue de Poirreto non est cur plura dicam, qui veritates omnes æternas, immutabiles, necessarias a Dei voluntate desumunt: sed non satis mirari possum, cur Muskembroekius, Leibnitzius, VVolfius, Eulerus ipse, alique Philosophi, ac Mathematici præstantissimi in hac re tam turpiter hallucinati sint. Doctrinæ hujus pervagatissimæ fallitatem primus, quod sciam, Daniel Bernoullius Joannis Filius detexit, qui legem de virium compositione ac resolutione necessario veram demonstratione evicit prorsus necessaria (a). Deinde Com. Jacobus Riccatus Dynamicæ leges æque necessarias evicit (b). Ac demum Vincentius Riccatus in immortalis opere de viribus vivis, compositionem ac resolutionem virium ab actionum lege pendere demonstravit; ex quo efficitur, ut & actiones ipsæ necessaria lege regantur. Cum autem tres aliatæ leges plurium phænomenorum naturalium fundamenta sint; quin necessariæ sint præcipuæ Systematis corporei leges, dubitari nequit.

Th.

(a) Comm. Acad. Petrop. T. I.

(b) Princip. Lib. II. Cap. XIX.

X XXIII. X

Th. XIX.

Non pauca Systematis mundani leges a voluntate Dei pendent, ac solummodo contingenter veræ sunt.

CUM enim systema creatum sit (Tb. VIII.), & Dei Creatoris finibus aptatum (Tb. XII. & seqq.); nonnullæ huic systemati inerunt proprietates, modificationes, ac rerum associationes, quæ systematicæ tantum sunt, ut gravitas corporum terrestrium in centrum telluris, & planetarum primariorum in centrum systematis gravitatio, nec non secundariorum in primarios. Rursus cum systema temperatum sit (Tb. IV.); rerum divisio, numerus, magnitudo Dei voluntati ac finibus respondere debent. Ergo hinc ortæ relationes, indeque propagatæ leges sunt veræ contingenter solummodo, & pendent a Dei voluntate. Q. E. D.

Th. XX.

Universum est rerum series Legibus partim necessariis, partim contingentibus tam apte connexa atque coagmentata, ut non minus necessaria, quam contingentes finalibus causis ex asse respondeant.

HOC ex idea sapientissimi conditoris eruitur, qui cum res omnes uno intuitu ab æterno comprehenderit, rerumque essentias, attributa, modifica-

)(XXIV.)(

dificationes perspexerit, eas eligere profecto debuit ac potuit, quarum essentiae, & reliquæ necessariæ proprietates exhiberent optimas leges, & finibus convenientissimas. Hoc ipsæ hominum machinæ ostendunt, quibus rerum natura nequaquam mutatur, sed ita temperatur, ac veluti flectitur, ut humanis serviat necessitatibus. Luculentissimo exemplo esse possunt Euleri problemata de curvis elasticis, ac de motu projectorum, quibus propositio præsens mirifice illustratur. Cum enim horum phænomenorum leges contingentes ipse judicaret; causas finales investigavit, quarum ope ipsissimas illas formulas nactus est, quæ methodo actionum directa reperiuntur. Porro leges actionum necessariæ sunt per Scholium Theorem. XVIII. Hæ ipsæ igitur finibus accommodantur. De contingentibus non est cur plura disputemus: de iis enim nulla quæstio suboriri potest.

Th. XXI.

Nullum Systema corporeum phænomenis insignitum concipi potest, nisi in ipso materie vis conjungatur.

CUM substantiæ omnes inertes sint, nullam profecto status mutationem subibunt, nisi in ipsis aliquid concipiatur, quod rationem contineat hujusce mutationis. Hoc autem ipsum, quidquid tandem illud sit, vim appellamus. Atqui sine status mutatione nulla phænomena exoriuntur; Ergo
subla-

X. XXV. X

sublata vi, & phænomena tollentur in unoquoque corporeo systemate.

Th. XXII.

Respectu virium continenter applicatarum obtinent hæ duæ leges $f d s = m u d u$; $f d t = m d u$; vel formulis integratis $S f d s = \frac{m u^2}{2}$; $S f d t = m u$. (Species f designat potentiam, $d s$ elementum spatii, per quod applicatur potentia, u velocitatem, $d t$ temporis elementum, m corporis massam).

Ajo harum primam esse legem primariam, & necessario veram.

Primariæ systematis cujuscumque leges, ut Cel. Vincentius Riccatus animadvertit, eæ sunt, quæ semper illius phænomena comitantur, ac temperant, utcumque circumstantiæ mutantur; secundariæ vero aut accessoriæ, quæ interdum deficiunt. Jamvero hæc Leibnitziana formula $f d s = m u d u$ locum habet æque in motu directo, atque indirecto quocumque, ut demonstravit Vincentius Riccatus (a). Primaria est igitur hæc lex. Quod
necef.

(a) Dial. VII. De Viribus vivis.

X XXVI. X

necessaria sit, evicimus (Schol. Th. XVIII.). Patet igitur quod proposuimus.

Th. XXIII.

Altera lex $f d t = m d u$, quam Cartesianam nuncupant Physici, est accessoria, & vera solummodo contingenter.

HÆC lex in motibus indirectis cessat, quod Vinc. Riccatus in memorato libro demonstrat. Igitur accessoria est. Cum vero hæc lex pendeat ex hac conditione, quod corporis moti directio congruat cum potentiæ directione, ita ut spatium a corpore percursum sit æquale spatio, per quod potentia applicatur; quæ hypothetis ex intima potentialium motuumque natura minime fluit; lex igitur est contingenter vera. Q. E. D.

S C H O L I U M.

QUOD Cartesianæ lex memoratæ hypothese innitatur sic evinco nullo negotio. In motibus utcumque acceleratis, aut retardatis semper est $ds = u dt$; cum vero $f ds = m du$ (Th. XX.): & utrinque ds idem spatiolum delignet per hypothesein, facta substitutione erit $f u dt = m du$; ideoque $f d t = m d u$. Q. E. D.

Th.

X XXVII X

Tb. XXIV.

Mensura virium vivarum formula $f d s = m u d u$ continetur.

PRincipalis est hæc formula (Tb. XXII.); altera vero $f d s = m d u$ accessoria, quæ plerumque cessat. (Tb. XXIII.). Atqui (quod acutissime observavit Vinc. Riccatus) metaphysicum principium nulli difficultati obnoxium est illud; ea lege veram actionum æstimationem, & causæ atque effectus æqualitatem contineri, quæ perpetuo servat effectus & causæ proportionem, & æqualitatem inter duas causas eundem effectum producentes; quæ locum semper habet respectu illarum virium, quæ revera in natura sunt, atque agunt; quæ denique ceteras omnes complectitur. Hujusmodi legem exhibet formula $f d s = m u d u$: ergo & virium vivarum æstimationem. Q. E. D.

S C H O L I U M.

QUod ad actionum legem quicquid de motu sciri potest referatur, facile ostendi posset: quo præcepta legum primariorum affectio mirifice illustraretur. Ne longius, quam par est, divagemur, ac ut manum de tabula tollamus aliquando, nonnulla per summa tantum capita perstringemus. Mechanicæ ac Staticæ leges ab actionibus desumendas esse vel

X XXVIII. X

se vel ex eo patet, quod ii, qui ad momenta confugerunt, in turpissimum paralogismum lapsi sunt. Demonstratio hoc sæculo post librum Vincentii Riccati de viribus vivis est omnino supervacanea. Problemata de centris oscillationis & percussionis, de viribus centralibus, de motuum communicatione huc tandem collimant. Hæc omnia vir doctissimus, atque humanissimus Com. Jordanus Riccatus demonstravit nonnullis Opusculis, quæ adhuc in scriptis suis patitur delitescere. Sed incredibilem legis nostræ usum etiam in rebus Acusticis duodecim ejusdem Auctoris Schediasmata patefacient, quæ in præsentia sub prælo sunt. Ad leges Acusticas penitus pertractandas ab iis objectionibus occasionem Auctor arripuit, quæ a summis Geometris asseruntur contra Nevvtoni propositionem XLVII. Lib. I. Princip., per quas aërearum particularum tremitus lege oscillantis penduli peraguntur.

F I N I S.